

流寓傳

不出方州見聞不廣則遊蹤所至得交當代賢豪於身  
事良有助焉顧千里間關淹留判歲而彼都人士漠然  
不引以為重其所自處何如也故志乘之載流寓為遊  
子示之的耳擇而書之高山仰止景行行止獨建昌云  
乎哉

賴 蓀

獨孤及

吳守德

黃 通

張安石

陳次升

李 深

李 綱

王羲叔

楊萬里

王 秬

胡安國 從子寅

建昌府志

卷五十四

流寓傳

朱 熹

周 珩

蔣 芾

謝堯仁 子 驛

張 洽

吳 潛

戴復古 從孫昂

陳 蒙

文天祥

吳 澄

虞 集

揭傒斯

席 英

夏顯卿

曾鶴齡

羅 倫

戴顯二

陳 源

曾同亨

聶良杞

楊起元

李伯廉

金若泉

游於詩

詹德化

胡宗暘

龔 晚

湯顯祖

黃汝亨

羅萬藻

陳際泰

謝兆申

朱 廣



王家瑞

夏蘭亭

史夏蘭

周損

廖應兆

宋之盛

吳雲

劉龍光

林時益

八大山人

李明睿

郭曰燧

吳正名

詹明章

唐

賴蓀字懋容隋末林士宏竊據虔州蓀由虔化集壯士百餘襲士宏遇士宏偏將於零都藥口霸破之既而士宏兵大集眾寡不敵壯士殲焉蓀退隱於南豐鄉茅屋數椽探勝

建昌府志

卷五十四

流寓傳

龍峯馬嶺間磨崖刻石字圓徑一丈跡尙存

町源備紀

獨孤及字至之洛陽人天寶末舉高第補華陰尉辟掌李暄府書記歷官檢校司封郎中賜金紫常州刺史其仲兄巨宰南豐及以廣德元年之巨任有癸卯歲赴南豐道中聞京師失守詩與昆弟抱琴登馬退山撰馬退山茅亭記又有超遙望平川之作後人因名曰超遙臺又曰琴臺時王昕爲南城令作客館新亭亦及爲之記

唐書南豐州志

後五代

吳守德閬中人相傳蜀主孟知祥妻以女封駙馬宣城公祥姪子景襲位進守德王爵守德以爲不義率妻妾避居江南徙居撫州復遷南豐梓口終焉

甘樾齋集



宋

黃通福建人遊於盱與李泰伯陳仲父友善作長歌贈之又作書與范希文言觀生三十七年德行文章知識材術疑三代英靈復生於今蓋希文嘗有薦觀意而未果故通以書促之 李盱江集

張安石字伯起金陵人父侂康定中宰南豐卒於官貧不克歸因家焉安石不治產業不畜妻子與人接貌不苟親言不苟從舉太學進士不第卒於京師魯肇在館閣助其櫛歸里為銘墓曰孔子不得中道而欲與不屑不潔之士若伯起皆其行也 歟 豫章書

陳次升字當仁伯游人舉進士為御史蹇周輔父子經畫江建昌府志 流寓傳

右鹽法為民害次升舉劾之又忤惇下謫監稅哲宗改南安軍徽宗立召為侍御史極論惇下之惡崇寧初落職除名徙建昌 宋史本傳

李深字叔平光澤人熙寧進士歷鄱陽遂平二縣以清慎名與蔡京章惇廷爭奪一官尋改朝散郎以言事罷崇寧初蔡京追貶元符間言事切直者深坐除名編管復州又與任伯雨陳瓘等十四人入元祐黨籍移建昌軍後寬黨禁復官 光澤縣志

李綱字伯紀邵武人政和進士靖康元年金人南侵綱為東京留守以一身繫社稷生民之重時方議和罷知揚州讒者謂綱主戰議喪師費財是年冬十月罷安置建昌軍



諭知風土情形後安撫江西遂建析縣之議宋史本傳

王羲叔字夏卿鄭州人官侍郎紹興初盜嘯聚石陂郡募人

以討得百餘輩曰敢戰卒賊平籍名軍伍桀驁難制郡守

劉滂束以法遂為亂時羲叔僑寓建昌聞而嘆曰吾受國

重恩苟利社稷死生以之乃躬冒矢石步至營門撫定之

盱民德焉建祠以祀官至右文殿修撰提舉江州太平觀

文安縣開國男賜金紫後家南城其裔華鏃皆成進士起陳

王侍郎祠記

楊萬里字廷秀吉水人紹興二十四年進士陳俊卿虞允文

交薦之萬里精於詩嘗著易傳行世光宗為書誠齋二字

賜之韓侂胄當國卧家十五年淳熙丁未至麻姑山留一

建昌府志

卷五十四

流寓傳

四

月藤杖芒屨乘輿孤往撰麻姑藏書山房記麻姑志

王柎字嘉叟恒山人少負才以廕補官累遷刑部侍郎在朝

言論切直以清節著紹興末知撫州往來盱江樂其水土

之衍沃遂徙家焉其六世孫伯昭築室麻姑山下以恒山

為先世所居猶不忘其先於是名其精舍曰恒山宋潛溪

恒山精舍記

胡安國字康侯崇安人紹聖四年進士第三人高宗即位召

為給事中兼侍講呂頤浩入相安國落職提舉建昌僊都

觀從子寅字明仲宣和進士累官起居郎金人之亂寅避

居南豐覺源寺題詩環翠閣有四海未清眠不得此身猶

欲畫麒麟之句還朝上書萬言亦為呂頤浩所惡出主宮



宋史曾思孔南豐志

朱熹字元晦婺源人紹興十八年進士嘗避韓侂胄與門人黃幹講學於新城福山又嘗往來於南城南豐為源頭吳氏書榮木軒又大書書樓二字又摩崖書墨池於魯子固書巖書明倫堂於學書園苑於壺公巖相傳惟有源頭活水來詩即僑寓時作也陸務觀書樓記各縣志

周珩金谿人袞之孫靖康初以太學生上書言事不報已而駕入北營珩遮說詞氣慷慨帝為動容晚授長沙簿再調永豐曹績使北辟與偕還宮受賞耻自陳歸隱南城麻姑山別號足翁明統志

蔣芾字子禮宜興人之奇曾孫孝宗時以言邊事結上知仕

建昌府志

卷五十四

流寓傳

五

至觀文殿大學士知紹興府提舉洞霄宮尋以言者論落

職建昌軍居住宋史本傳

謝堯仁字夢得邵武建寧人為人卓絕奇詭有志當世而骯髒不自達與子驛字處厚並以詩文名江湖間淳熙改元

堯仁以宏辭薦於鄉揭驛徙家南豐之市山築室曰西窻日眺軍峰長吟以終老南豐州志

張洽字元德清江人少穎異從朱子學自六經傳註至於諸子百家山經地志老予浮屠之說無所不讀嘉定初中第

後通判池州數以病請辭乃主管建昌仙都觀宋史本傳

吳潛字毅夫寧國人嘉定十年進士第一知建康府兼行宮留守疏論保蜀之方護襄之策防江之策任之宜庶戶



吏三部尚書兼知臨安未幾拜左丞相賈似道以落欲  
殺已術之令御史沈炎劾潛措置無方致全衛承桂皆破

落職謫建昌軍 宋史本傳

戴復古字式之天台黃巖人負奇尚氣慷慨不羈學詩於林  
景思徐淵子復登放翁之門性好遊以詩鳴江湖者五十  
年在建昌與張丹霞嚴華谷諸人結詩社又嘗訪嚴坦叔  
於麻姑偕包敏道趙伯成同遊南臺曾景建陳寧之皆與  
友善集中多南豐南城山水朋友之作

陳蒙慶元人父少宰墳學於楊簡為時名臣蒙年十八上書  
萬言論國事咸淳間為太府寺主簿嘗入對極言似道為  
相國政關失後為淮東總領似道誣以貪汙安置建昌軍

建昌府志

卷五十四

流寓傳

六

簿錄其家惟青氈耳德祐初以刑部侍郎召不赴卒 宋史

本傳

文天祥字宋瑞廬陵人寶祐進士第一景定元年 夏竦大事記作咸淳

六年二月差判鎮南軍節度辭免乞祠差主管建昌軍仙

都觀祥典間開府南劍州經畧江西遂復邵武督師入虔

寓宿廣昌欽山寺 文文山集南音集

元

吳澄字幼清崇仁人至元中南城程鉅夫薦起之出登朝

退歸於家遠近士大夫皆迎請執業僑寓南城又嘗

頭及厚坪作續集賢樓記 陸子學譜續集賢樓記

虞集字伯生臨川人宋丞相元文五世孫



授翰林待制兼國子院編修英宗時官奎章閣學士纂修  
經世大典中丞趙安世爲請外任帝怒曰一虞伯生汝輩  
不容耶後謝病歸臨川僑寓南城新城最久有詩云自古  
南城天下稀

揭傒斯字曼碩富州人貫通百氏早有文名程鉅夫妻以從  
妹遊寓建昌有雪中同程漢翁程志可登從姑山及麻姑  
雲關飛練三峽橋諸詩延祐初鉅夫薦於朝凡三入翰林  
文宗以字呼之而不名每中書奏用儒臣必問曰其才何  
如揭曼碩間出所上太平政要策以示臺臣曰此朕授經  
郎揭曼碩所進也 麻姑志

席英字俊仲本臨川人贅建昌蕭氏補路學生員入太學

建昌府志

卷五十四

流寓傳

七

八分授新城飛鳶司巡檢謝官隱居新城之河東好讀書  
搜羅今古爲文力追古作尤工吟咏精聲律雅志高潔不  
逐時好所居有林塘之幽戶庭無塵雜之客環屋植梅因  
自號梅村 新城志

夏顯卿臨川人避地南城以材力爲王溥所知時溥據建昌  
軍州縣未知所屬顯卿示以逆順勸溥受福建平章燕只  
不花調度爲溥糾練義旅賊至輒擒滅境內以安溥承制  
署顯卿總管府參謀至正戊戌陳友諒兵圍建昌顯卿率  
衆入城與陳兵三接戰殺傷相當城守日急謀走閩求援  
陳將以僞平章勅命授溥誘之降仍授顯卿參謀顯卿  
義諫阻溥恐動衆遂殺之 竹由里志



明

曾鶴齡字延年泰和人永樂辛丑進士第一人歷官侍講學

士著有松坡集臞叟集僑寓南城有遊麻姑詩

豫章書麻姑志

羅倫字葵正永豐人成化丙戌擢進士第一上疏劾大學士

李賢奪情起復之非謫福建市舶司以商輅言復官尋引

疾歸往來僑寓南城諸縣者近十年從之學者甚眾與郡

守謝士元交善遍歷麻姑諸勝互有唱和在廣昌寓雲峯

別墅在新城寓福山舊朱子講學處名武彝堂倫改題曰

崇正諸邑孝友節義高行之人見於其篇者甚眾

一峯集圭峯集

戴顯二樂安人僑寓廣昌寺川里嘗憤官兵不能討賊致賊

橫決正德九年廣寇掠寧都經寺川顯二率眾相截殺眾

建昌府志

卷五十四

流寓傳

烏合初甚踴躍見賊輒散走顯二力戰被執罵賊而死分

守湖東道朱統命易棺立墓石自為文以祭

明廣昌志

陳源字本潔號一泉南昌縣人少從吉水顏山農遊久之忽

自疑質於安成劉師泉劉曰學獨苦功利入人深耳源請

曰學貴通性命功利乎何有曰功利從性命入也源乃大

悟盡棄其學轉學於劉久之以貢授石埭訓導歷王府教

授所至多有成就源故常遊盱及聞近溪致政歸來與論

學益齟齬近溪訛其不悟源微哂曰吾方悔所悟公更令

悟所悔乎歲時過新城留必旬月反覆於知天知人之旨

本心本天之辨盱士近裏就實者往往依源以為歸

留學

曾同亨字于野吉水人系出南豐嘉靖末第進士為



陸光祖李世達齊名萬曆初巡撫貴州不協於張居正移  
疾歸居正卒起歷工部尚書多所建白尋乞休丙申來南  
豐省墓戊戌借宗人恩孔修族譜凡僑寓豐邑者三年雅  
與羅汝芳耿定向言或有痛詆偽儒者同亨曰此中多闇  
修非可槩斥即使以假名義不猶愈於呈身進取者哉卒  
贈少保諡恭肅所著詩文曰泉湖山房稿

潯德錄

聶良杞字子實金谿人隆慶進士至盱從羅近溪遊叅證歸  
仁之旨大有所得授衛輝令徵拜禮垣有清祀典斥異端  
諸疏出典滇學置五華書院士風丕變晉閩叅議弗赴致  
政歸手纂諸儒語錄

撫州府志

楊起元字貞復號復所東平人舉鄉試第一試南宮不售乃

建昌府志

卷之十四

流寓傳

九

遊金陵下帷績學邂逅盱江黎允儒爲羅近溪物述其舅  
言行甚具起元大悅萬歷癸酉近溪以服闋赴補適起元  
在京遂執贄稱弟子丁丑舉進士改庶吉士是歲近溪以  
雲南藩叅齋捧入京請告集同志講學張居正惡之曠言  
官疏劾致仕起元嘆曰吾師且老今若不盡其傳終身之  
恨也已卯授編修册封崇藩取道盱江訪從姑山房而卒  
業焉在復叅證因會悟性命之宗曰乃今如客得歸矣因  
次近溪會語爲問答集又摘其論仁者爲識仁編丁亥進  
修撰歷官禮部侍郎其事近溪常提一小像以出入歲時  
約同志祭奠於山房以爲常

明書

李伯廉字登之號清源金谿人嘉靖四十三年鄉舉爲文顯



有典則迥異流俗時往來瀘溪爲記陳公堤又作城隍廟  
記皆可觀後知柳州有惠政禱雨五鶴繞壇甘霖浹旬日  
累擢馬湖僉事卒於官 金谿志

金若泉太湖人遊留都時臨川陸本崑守池州携友張壽峯  
之官張講學好朋遊齊山與若泉遇若泉隨之至盱館城

南周氏與羅近溪論契肝中士翕然興起若泉力居多年  
四十卒近溪爲之銘曰人孰無卒而苦無述於已無失於

人無屈既足以述亦足以卒 近溪文集

游於詩字二南懷寧人以諸生入太學時羅近溪爲海內儒  
宗於詩千里負笈受業其門 江南通志

詹德化號寧宇樂安人萬歷貢生時羅近溪講學盱江德化

建昌府志

卷五十四

流寓傳

十

負笈師事之講求性道淵源與弟德溥討究戴記及儀禮

太學衍義諸書共相砥礪 樂安縣志

胡宗暘字曉江樂安人少遊羅近溪之門居盱三載深得性

理與旨後歸講道弗輟惟著詩文以自娛 樂安縣志

龔晚字奎文樂安人幼失怙事母以孝聞居喪如禮志慕理

學躡屨執贄於盱江羅汝芳之門 樂安縣志

湯顯祖號若士臨川人萬歷十一年進士官主事以言事謫

徐聞典史遷遂昌知縣奪官歸少從近溪學於從姑山房

遊四方輒交氣義之士復見近溪近溪曰子與天下士日

泮渙悲語意何爲者究竟於性命何如顯祖聞言夜不安

枕遂有省近溪卒顯祖思之不置爲刻其語錄行世 湯若士集



黃汝亨字貞父仁和人萬歷二十六年進士授進賢令從臨汝入建昌與南城令葛文炳集東湖館中又與郡守朱與翹別駕華仁夫司李吳寢相遊寓中洲復過飲益世子仙源華山王心源爲梁園之招其門人南城陶仁慶黃公桃王秉揚王嘉弼輩從遊麻姑諸勝俱有題咏撰遊麻姑諸山記後由郎中出爲江西提學著有

黃貞父遊麻姑諸山記

羅萬藻字文止臨川人天啟丁卯舉於鄉與大士千子大力主文章之柄者四十餘年海內稱爲四先生寓南城中林寺讀書過潭山寺撰有記

潭山記

陳際泰字大士臨川人爲諸生嘗遊南豐與饒陞語道中刺刺不能休與曾升刻燭校時藝甚服升才崇禎甲戌進士

建昌府志

卷五十四

流寓傳

十一

丁丑官行人奉差益藩諭知封山之妖爲當事詳言之以爲備子孝逸字少游常寓南城章山寺與徐拙菴鄧止仲蕭明爨友善

羅文止集

謝兆申字耳伯建寧縣人幼負異敏補弟子員人太學一試不第即棄去浪遊吳越燕楚間以文詞傾海內四方名流悉與交所爲文奇古奧澁別成一家寓建昌最久麻姑諸山題咏甚夥與南城黃守經陶仁慶廣昌揭季瑜相友善後卒於建武葬麻源之麓

建寧縣志

朱廣字仲生建寧縣人嘗受學於徐郎登又訪李見羅於潭陽有所證入每一談論出人意料南豐諸生劉冠寰鄧一舉蕭漢張治功治經相與迎致請業一舉父繼芳嘗謂冠



寰曰吾子自與若遊朱先生門晨昏婉愉加一等矣邵武郡丞萬尙烈造幣迎廣至再廣出遊避之及尙烈去任廣曰萬公有禮於我者再何可以不答乃從間道追及於建昌舟中劇談三宿相與定交而別廣不求仕進而善相文決利鈍百不失一然教人以篤行爲主南豐遊其門者行誼文學皆有可觀而漢尤以忠烈著

建寧志南豐志

王家瑞字輯五臨川人年七歲善屬對父攜至南城進士黃文煒於西郊取魚因出句曰池塘水竭魚蝦見家瑞應聲曰宮殿風微燕雀高文煒曰汝曾讀杜詩乎對曰未也黃竒之遂妻以女後以南城籍舉天啟辛酉鄉試

夏萬亨字元禮一字夔南崑山人萬歷戊午舉人歷官任西

建昌府志

卷五十四

流寓傳

布政南昌失守萬亨奔至建昌乙酉城破與王養正等同死其妻顧子婦陸及一孫一孫女先赴井死僕婢死者復十餘人

明史

史夏隆字趾祥宜與人太僕卿孟麟之子崇禎十六年進士爲南昌推官乙酉同布政夏萬亨奔建昌起兵城破被執

死

明史

周損字遠害麻城人崇禎十六年爲饒州推官乙酉至建昌城破與夏萬亨史夏隆等同被執死

湖廣志

廖應兆字太初石城人萬歷癸卯鄉薦歷官遼州知州有賢聲乞終養歸甲申後避難奔盱以不順命死

石城縣志

國朝



宋之盛字未有星子人明崇禎己卯領鄉薦後改名佚又改名惕與同里吳一聖余暉查世球查轍夏偉門人周祥發結隱髻山稱髻山七隱其學以明道爲宗以識仁爲要乙巳夏至南豐約魏禧彭任講學程山旬餘日

宋髻山傳

吳雲字滂水號舫翁安福人年十八拔明經徵爲翰林待詔後衣草衣辟穀武功山中五六年出授生徒講天人性命之學旁及天文地理音律陰陽術數字畫詩歌古文足跡幾遍天下所至士大夫輒倒屣相迎康熙己巳至新城與孔尙典暨其族孫毓功毓瓊爲忘年交辛未復過黎水歸武功以終



劉龍光字蓼蕭長洲人父廷諤以宜黃縣丞遷益府長史遭  
亂挈家人避兵白石嶺下依其友姚肅甫以居尋卒龍光  
初以省試還里兵後不知父母存歿日夕涕泣家故貧徒  
步至建昌禱於張令公祠夜夢神告曰寄居石磔覺而詢  
之土人莫知其處龍光持零丁帖彷徨道左有一尼謂曰

建昌府志

卷五十四

流寓傳

十四

是在閩粵之交然方構兵道梗塞當由僻徑以往也龍光  
如其言臨絕壑萬仞得微徑荆棘蔽之血漬足蹠力盡乃  
登俯視山下有村板屋三楹流泉泱泱鳴石上龍光心動  
以爲石磔也叩戶則毋管出焉喜劇而哭問父所在則亡  
踰年殯板屋中村民聞哭皆來觀曰吾鄉宋時有孝子王  
龍山者於此見母故堡以見母名今子復見母此地是亦  
孝子矣於是謀歸喪肅甫首以白金爲助遂偕母歸

韓慕廬集

時益字確齋南昌人持躬嚴謹而性情蕭淡不汨於世俗  
携家之寧都人呼之曰林確齋結廬剗石其地宜茶時益  
以意製之香味擬陽羨天下謂之林也己僑寓建昌工書



喜爲詩晚又好禪著剡石詩集五卷

逸民傳

八大山人者寧府宗室也後隱姓名自署曰驢已更署八大山人盱江數邑遊歷殆遍諸名家爭禮之工書喜作畫皆着淡墨書勁如鐵而神骨秀出不染煙火氣

強識錄

建昌府志

卷五十四

流寓傳

五

李明睿字太虛南昌人明天啟壬戌進士授館職罷閒六七年順治初爲禮部侍郎未幾以事去官歸里後至盱與湖東道羅森司李狄宗哲南城令李豹采登姑山共相唱和撰遊麻姑記康熙初又與苗徐芳更爲姑山之遊懸榻兩集皆其手序

麻姑志

郭曰燧字燧人南昌人順治乙未進士由郎中出守台州時海寇陸梁曰燧身先士卒捍城緝賊多方招撫民得安



海氛既息請終養歸三十餘年以訓課後學爲樂遊寓南城嘗與吳其旋邱于泗訪鄧貝於頻伽園

吳正名字子政貴池人生三歲父姬托之於友人彭士望而自走四方求其父久之卒於浙正名遂家寧都以文學爲李騰蛟魏禮高坐弟子嘗往來南豐新城易堂人所友皆其友也彼此見於詩文者甚多

採各集

詹明章字戡士號履園海澄人遊四方喜吟咏工書翰既而嘆曰是皆吾累也自是非性理之書不置座右著有太極圖解凡經史無不手輯成書康熙庚申至盱僦舍停車凡兩載辛未自粵復至壬申卜築南城通會門外盱水之次二姑之勝近揖几席因名其樓曰兼山堂曰觀瀾先是明

建昌府志

卷五十四

流寓傳

六

章客瓊南常作幽棲之想自題旅署曰偶來浮海亦吾道老得兼山是勝遊既居盱遂有終焉之志與南城鄧封遠梅渭王勗邱維徐南豐湯永誠廣昌羅榮諸子及門人羅曠爲易林社著有寓盱集丁亥儀封張伯行撫閩開鰲峯書院聘明章主講席遽卒於里生平著述不下數十種所臨聖教序淳化帖人皆寶之

兼山樓記縣志

